



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 8. De Scandalo Apostol. & negatione Petri.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

7. Christus passionem & depressionem suam appellat gloriam & claritatem, qua glorificabit illum Deus. Quam diuersa sunt iudicia Dei & hominum. Homines claritatem suam in honoribus, amplitudine, & rebus secundis huius vitæ collocant; Deus aterna sapientia, in contemnendo seipsum & patiendo.



MEDITATIO VIII.
PRAEDICTIO DE SCANDALO DISCIPULORVM,
ET PETRI NEGATIONE.

PVNCTA MEDITATIONIS.

- I. Contentionem quarentium: Quis videretur esse maior? sedat, docens id humilitate obtineri, & suo exemplo confirmat.
- II. Petro significat Sathanam expetisse eum, vt cribraret, sed eius oratione confirmandū ne deficiat; quia & omnes scandalum passuros.
- III. Petro affirmanti se paratum in carcerem & mortem cum ipso ire, praedicit ipsum, ea ipsa nocte, ter esse negaturum: quamuis tam ipse Petrus, quam alij, contrarium sponderent.

FIGV.

FIGVRA.

MORITVRVS Patriarcha Iacob, *Gen. 48.*
 stantibus in orbem omnibus filijs, *& 49.*
 prætulit minorē fratrem Ephraim, maiori
 Manassi; deinde cum multa futura præ-
 dixisset, bene illis precatus est.

DOCUMENTA.

1. **Q**VANDO QV IDEM non pudit
 Christum suis seruire discipulis, nos
 item, si pudet alterius cuiusquam ho-
 minis imitari humilitatem, Christi saltem
 humilitatem imitari non pudeat.
2. Apostolis promisit Christus regnum,
 non quod ipsum secuti essent, sed quod se-
 cum in tentationibus permansissent. Parum
 est bene cœpisse, nisi perseueres; neque is
 qui tantum sequitur Christum, sed qui pati-
 tur, & affligitur pro ipso, afficitur præ-
 mijs.
3. Diabolus cupit tentationibus cribrare
 omnes homines, sed imprimis seruos Chri-
 sti, ab illo ad aliorum vtilitatem & auxilium
 destinatos. Vigilemus ergo, quia non dormit
 inimicus.
4. Christus rogauit pro Petro, vt conuer-
 sus alios confirmaret. Et nos, si quam à Domi-
 no gratiam consecuti sumus, non eam pati
 debemus otiosam esse, sed adhibere ad auxi-
 lium & salutem aliorum.
5. Ne putemus nos esse tutos, quantum-
 canque in virtutibus processisse videamur,
 sæpe enim accidit, vt qui reliquis virtute
 L 4 longè

longè antecellere putantur , turpius corruant.

6. Permisit Dominus Petrum in columnā illam magnam labi , pro nostra instructione. Primum vt disceremus non nobis fidere , aut de nostris viribus magnificè sentire , nostra imbecillitate cognita. Deinde vt plus Christo, iisque , qui vice ipsius nobis præsunt , quam nostro iudicio credamus. Tertio , vt imprudentem eorum audaciam reprimeret , qui res magnas scire, & facere melius quam alij volunt. Quarto , vt quibus aliorum cura & gubernatio commissa est , suo experimento discant , quomodo subditorum infirmitatibus, si quando labantur, compati debeant.



MEDITATIO IX.

DE ITINERE

AD HORTVM.

PVNCTA MEDITATIONIS.

Mat 26 I. Hymno dicto, egressus est cum discipulis trans torrentem Cedron, in montem Oliueti.

Mar. 14.

Luc. 22.

Ioan. 18.

II. Ingressus hortum, assumptis tribus discipulis, coepit tristari, pauere, tædere, ac mœstus esse.

III. ait illis : Tristis est anima mea, vsque ad mortem; sustinete, & vigilate mecum. Et auulsus est ab eis ad iactum lapidis.

FIGV.